



Universitätsbibliothek Paderborn

**Cornelii Jansenii Iprensis Episcopi Augustinus Europaeus
Perperam Dictus**

Wavre, Philippus van

Antverpiae, 1709

Reverendo Admodum Atque Eruditissimo Patri Philippo Van Wavre
Augustinum Europæum cum suis Asseclis, præclarissimè prosternenti,
atque adeò Auctoritatem summi Pontificis acerrimè vindicanti.

urn:nbn:de:hbz:466:1-39351

REVERENDO ADMODUM
ATQUE
ERUDITISSIMO PATRI
PHILIPPO VAN WAVRE

Augustinum Europæum cum suis Asseclis,
præclarissimè prosternenti , atque
adèò Auctoritatem summi Pon-
tificis acerrimè vindicanti.

Quos jactitantes audio Spiritus
(Vah insolentes!) atque adèò in Caput
Ecclesiæ Sanctæ supremum , hoc
Tempore se tumidūm erigentes?
Fors arroganti rursūm uicies Dei
Viventis ausu non metuit , tumens
Typho , Golias exprobrare ,
Post propriò jugulandus ense?
Tandem at superbis turgida fastibus
Discant tumorem pectora ponere ,
Audaxque scribendi in tonantem
Dissiliat cacöethes Urbem:
Prodit Philippus , Filius inclytus
Magni Parentis : progenies Patri hac
Haud deneganda , hostes paternis
Sternet humili Cataphractus armis.
Hic David hujus temporis , impete
Qui Martiali ac pectora masculo ,
Tenebrionem hujus Goliam
Temporis impetit exprobrantem ,

AC

Ac tortuosum quod caput erigit,
More obstinati turgidus, in Caput
Ecclesiae, Averruncus acer,
A jugulo generosus aufert.
Augusta, quēis hunc sternit & obruit,
Ignitus Ensis, Dogmata sunt Patris:
Hoc Ense scitè fulminando,
Pestiferum ferit hunc gigantem.
Quantūm ô Philippe! Ostendis in arduo
Angustiarum te pugilem inclytum,
Ecclesiam ut tantō parentem
Agmine Schismatici fatigant?
Tu Patris Augusti acria dogmata,
Et quidquid illō flumine fluxerit,
Altūm imbibisti, altō recondens
Ingeniō, memorique mente.
Flos Eruditorum Gradiūm, Charis
Cui fudit alnum nectar, & impluit
Alumna menti gratiose
Ambrosiam superūm Minerva;
Tibi superni gratia Flaminis,
Patrisqne summi candida Veritas
Sedet medullis, gloriosus
Inde tibi paritur triumphus.
Jansenianos, fervidus ardua
Tractare, lassas, ac fidei avios
Nisus retundis, nec duella
Nec metuis, metuende, Diras.

Do-

Dolosa ne quos nomina mentiens
Sub Veritatis fallat imagine,
Diffingis artes arte, & astus
Artificis retegis latentes.
Nam Vaticanas Viribus ingeni
Arces tuentem te nequeunt stygis,
Viresque, fraudesque, ac tumultus
Tenerari cohibere turmæ.
Hæc perge fortis fulmina mittere,
Quæis dura calo pectora mollias,
Sic pervicaces & rebelles
Concutis eloquio tonante.
Frustra protervus stet Palæophylæus
Adversum: Avitus frustra Academicus,
Paulusque nequidquam reluctans
Te pugilem superare tentet.
Nunc atra Scriptis temperet heresis
Jansenianis: Desinat impium,
Hoc Carcinoma ultrà in paratam
Repere perniciem Innocentum.
Tu multuantum turgidus impetus
Subsidat omnis. Desine, desine
Petri Carina fluctuanti,
Icariò geniò procellas
Fatale multis excidium, dein
Movere, Quisquis seu Palæophylæ,
Seu larvam Aviti, sive Pauli-
Aurelii geris obstinatus.

Ab!

*Ab! siste tandem, siste ferociam :
Desiste portas perfidus inferi
Ciēre : Roma te, Philippi
Consilio potiore, dede.
Turbata postquam reddidit O Eolus
Tumultuosis æquora fluctibus,
Soles serenos rursūm amamus,
O Eolidūm rabiem fugantes.
Hoc Christiani nos quoque querimus,
Votum hoc Philippi est. Discito subjici:
Erit, Philippo & Veritati
Subdere te, tibi gloriosum.*

Ad Jansenij Sectatores.

E P I G R A M M A.

*Insanientes dogmatiſ Aſeclæ
Janseniani ; jam resipisciſte
Tandem excitati, fulgurante
Atque tonante adeo Philippo.
Rixam execrantes jungite dexteras,
Sic ut Philippo consociemini,
Ac sitis Auguſtiniani,
Gratia & ingenii unione.
Darnate prorsus noxia dogmata :
Nec non Philippum, ne feriamini,
Timete : rursus preparatum
Fulmen huic AQUILA administrat.*

FR. FRED. STORMS
Auguſtinianus.